



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-04371/23
Datum: 11. 09. 2023. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
Reisa Dž. Čauševića br. 1
71000 SARAJEVO
N/r Elvedin Okerić, predsjedavajući

13-09-2023
15T 04 24618-90-260

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-24618-90/23 od 17.08.2023. godine

Poštovani,

U skladu sa zastupničkom inicijativom, broj i datum veze, upućenom od strane zastupnice Sanele Klarić, dana 16.08.2023. godine, a koja se tiče inicijative za organizovanje detaljne kontrole i edukacije načina provođenja hemijskih mjera (upotreba rodenticida) koje se provode sa ciljem sprječavanja ulaženja, zadržavanja, razmnožavanja i smanjenja populacije štetnih glodavaca na površinama, prostorima ili objektima, sa ciljem zaštite kako ljudi i drugih životinja, dostavljamo Vam informaciju kako slijedi:

Zakonom o zaštiti stanovništva od zaraznih bolesti ("Sl. novine FBiH" broj 29/05) i podzakonskim aktima: Pravilnik o uslovima u pogledu stručne spreme uposlenika, tehničke opremljenosti, prostorija i drugih uslova kojima moraju udovoljavati zdravstvene ustanove, privredna društva odnosno fizička lica – obrtnici za obavljanje dezinfekcije, dezinsekcije i deratizacije („Službene novine Federacije BiH“, broj 60/06) i Pravilnik o načinu obavljanja obavezne dezinfekcije, dezinsekcije i deratizacije ("Sl. novine FBiH" broj 30/16) je propisano ko i pod kojim uslovima obavlja poslove dezinfekcije, dezinsekcije i deratizacije (u daljem tekstu DDD).

Sanitarna inspekcija Kantonalne uprave za inspekcijske poslove Kantona Sarajevo, kao prvostepeni organ vrši nadzor nad provođenjem donesenih propisa, tj. nadzor nad izvođačima DDD mjera, da li ispunjavaju navedene uslove shodno Pravilniku (u Kantonu Sarajevo je 20 registrovanih izvođača na osnovu izdatih rješenja od strane Federalnog ministarstva zdravstva). U svakom sanitarnom inspekcijskom nadzoru i nadzoru inspekcije za hranu obavezno ček pitanje je DDD, ko je obavlja i obavlja li se u skladu sa propisima. U slučaju da se utvrdi bilo kakvo odstupanje donosi se upravna mjera o otklanjanju nedostataka čije se izvršenje prati po službenoj dužnosti (nadzor nad samim preparatima - otrovima vrši Federalna uprava za inspekcijske poslove).

Član 19. i 20. Pravilnika o načinu obavljanja obavezne dezinfekcije, dezinfekcije i deratizacije ("Sl. novine FBiH" broj 30/16) propisuju sljedeće:

"Član 19.

...

(2) Pri obavljanju deratizacije u prostorima u kojima se obavlja proizvodnja ili promet životnih namirnica treba otrovne meke postaviti u posebno zaštićenim, zatvorenim i označenim kutijama uz vođenje evidencije o šemi postavljanja, da se namirnice zaštite od slučajnog ili namjernog onečišćenja.

(3) Ako se deratizacija obavlja u objektima u kojima se nalaze rasute životne namirnice, treba sakupiti ostatke meka nakon provedbe postupka deratizacije.

(4) Deratizacijska sredstva treba postavljati u zatvorene kutije ili vezane na žicu (kanalizacijski sistemi, rijeke i morske obale, nasipi) ili postavljene po šemi, nedostupne domaćim životinjama, te ih sakupiti i neškodljivo uništiti nakon provedenog postupka deratizacije.

Član 20.

Pravna i fizička lica koja obavljaju dezinfekciju, dezinfekciju i deratizaciju, odgovorna su za korištenje savremenih i ekoloških preparata, neškodljivih za čovjeka, domaće životinje i okolinu, te ostvarivanje mjera kojima se štiti zdravlje stanovništva i čovjekov okoliš od onečišćenja, trovanja i nanošenja šteta."

Inspektorat sanitarne, zdravstvene i farmaceutske inspekcije i inspekcije za hranu Kantonalne uprave za inspeksijske poslove Kantona Sarajevo ne može djelovati drugačije bez izmjene zakonskih/podzakonskih akata nad kojim vrši nadzor. Zakon o inspekcijama Kantona Sarajevo ("Sl. novine KS" broj 2/17) u članu 23. propisuje kontinuiranu edukaciju inspektora, dok edukacija izvođača DDD nije predviđena navedenim propisima, što ne znači da se ne provodi, nego je na dobrovoljnoj osnovi. Tako je npr. u mjesecu martu 10-12.03.2023.godine) održano Prvo regionalno savjetovanje iz domena usluga DDD namijenjeno prvenstveno izvođačima DDD na čiji poziv su se odazvali i sanitarni inspektori Kantonalne uprave, a čija tematika je bila upravo savremeni pristup i preparati ali i nužnost izmjene propisa u korak sa savremenim pristupom i trendovima.

Inspektori obavljaju edukaciju subjekata nadzora (preventivni nadzor) na način da ih upoznaju sa zakonskim odredbama i ukazuju na štetne posljedice koje mogu nastati njihovim nepridržavanjem.

O manjkavostima propisa, konkretnim nedostacima određene legislative, uočenim nedostacima na terenu, potrebi za izmjenom ili donošenjem novih propisa kontinuirano se ukazuje kako kroz mjesečne izvještaje tako i kroz godišnji nacrt rada.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

